

SAN PABLO KARTA FXILIPOS ÇXHABTEWE'SX JÏI

Pablo karcelte ùşça Fxilipos çxhabte yakhthê'jtx fxi'jni

¹ Jesukristo's selpisáa Pablo vxite' Timoteo kwe'sxtha'w naa karta's fxi'jçxa kaja' Dxus luuçx Kristo Jesus yakh fxi'zesawe'sxtxi, Fxilipos çxhabte ùssa yakhthê'jwe'sx vxite' dxuus yatte jxkaahsawe'sx vxite' kxtee mjïi pu'çxsa jxukaysatx weçxana.

² I'kwe'sxtxi' Dxusa' pu'çxhina vxite' kwe'sxtxi jxpe'jsa Jesukristowa, txãa pa'ga Dxus yakhçxáa mfxi'zewe.

Dxus yakh fxi'zesawe'sx pa'gate Pablo Dxus yakh puutx we'weni

³ Bagaçxtewa i'kwe'sxtxi yaakx iisath Dxusa's weçxa'.

⁴ Sa' i'kwe'sx jxukaysa pa'gate bagaçxtewa wala weçxana Dxus yakh puutx we'we'th.

⁵ Txãa pa'gatey ja'daçxah mjïisatha'w Dxus yuwe's pta'sxna nyafxiitey takhçxa açxpkaçx.

⁶ Aça' na'wê i'kwe'sx ew fxi'zewa'ja's Dxusa' i'kwe'sxtxi pu'çxya' takhku na' Jesukristo naa kiwete sxawedna kïhpkaçx pu'çxna nes yuuna txã'wê yüuwa'ja's ew jiith.

⁷ Adxa' Dxus yuwe's pta'sxpa'gaçxáa açxha' karcelte ùsthu. Nawa khuês tasxte pa'yama'tx pějxya' nawa Dxus yuwe ewsa yuja' jïna pta'sxna

nes yu'nja, txã'wěy i'kwe'sxwa tuuthe'j pu'çxna ũsi'kwe. Txãa pa'ga adxa' i'kwe'sxtxi iiméh wala peeygãhna jxukaysatx peçxkanamée ya-jkxna fxi'zete', wala weçxa yuja'.

⁸ Jesukristowa ma'wěga peeygãh txã'wěy adxwa i'kwe'sxtxi jxukaysatx iiméh wala peeygãani's Dxusa' jiia'.

⁹ Txãasath i'kwe'sx pa'gate Dxus yakh puutx we'wena pēyi' peeygãawa'ja's jweeíçxáa wala ji'phuçxa ma'wě fxi'zewa'ja'swa wala ew jii kīhte yuhwa jxpubakahmén,

¹⁰ kxah maa ewsatewa jiyuçxa txã'sçxáa tx-hitxhçxa Dxus dxi'pte ew fxi'zeya' ājāne'kwe. Aça' txã'wě fxi'zeçxa'. Kristo kīi ente' weh yuhwa yuuwe meesa yuune'kwe.

¹¹ Txã'wě yuukahn Jesukristo' jweeíçxáa wala pu'çxhina, i'kwe'sx ew yūuna fxi'zete' Dxusa' jweeíçxáa tuuthe'jni yuukahn.

Adx itxī fxi'zeni' jxuka Kristo jīi yuuçxá'

¹² Yakhthē'jwe'sx jiyukahn pta'sxya'wath: adxa's na'wě karcelte ũswa'j en pa'kh nawa txãa yu' jweeíçxáa Dxus yuwe's tuuthe'khanku txã'wě yuu.

¹³ Txãa pa'ga soldau jxukaysa maawa jxuka jiita' Kristo's selpiipa'gaçxáa preesu ũstewa.

¹⁴ Aça' adxa' txã'wě preesu ũsçxawa Dxus yuwe's ũukhmée pta'sxiçte jiyuçxa', maa yakhthē'jwe'sxwa txã'wěy ũukhmeetx Dxusa's jweeíçxáa çxhãçxha yajkxna pta'sxi'.

¹⁵⁻¹⁶ Maai' yu' adxa's açeyajkxçxatx Kristo kaapiya'jni's pta'sxi', adxa' preesu yã'j ũste', jweeíçxáa kxūusu'j wěeçxa.

17 Naapkaçxha' vxite' adxa's pu'çxna ew ya-jkxçxatx txã'wẽ yũ'. Adx yu' preesu ũsçxawa Dxus yuwe yu'sa' ũukhmée pta'sxna ũstewa jiiçxatx txãawe'sxwa ũukhmée ew yũ'.

18 Adxa's açeyaakxsa ma'k yuu khĩmeeçxa' açeyaakxsamée ma'k yuu nawa Kristo kaapiya'jni's maatxwa pta'sxniçxáa ewna. Txãa pa'gath adxa' weçxá'.

19 Adx pa'gate i'kwe'sxa' Dxus yakh puutx we'wena ũsne'kwe, naapkaçxha' Dxus Èspirituwa pu'çxte', preesu ũsçxawa ew kaseje'nja sũhnath wala weçxá'.

20 Txãa pa'ga makwe preesu ũsçxawa weh yuhwa thaamemée, wejxwa Kristo yuuçxá's áate tuuthe'j wẽeth. Nyafxíiwa ma'wẽtka tuuthe'je' açxwa txã'wẽyçxáa yu'nja. Txãa pa'ga makwe adx uuma'th meeçxa' uumeema'th nawa Kristo' tuuthe'jni nes yuuna.

21 Txãa pa'gately naa kiwete adx ãtxĩ fxi'zenisa' jxuka Kristo jii yuuçxá', sa' uuçxa' Kristo yakh ũsya' u'jwa'jsath.

22 Txãa pa'ga ma'sna txhitxh wẽeçxawa ãja'çmeeth, txã'wẽ naa kiwete nee fxi'ze'ççxa', Kristona selpiina ũste', wala ewsaíçxá' naa pa'ga.

23 Aça' txãa e'zsath txhitxhwa'ja' adx yakha' thëya'. Ki'kinte' uuni wejx ewna Kristo yakh ũsya' u'jni sũhnath yaaki'.

24 Nawa naa kiwete nee ãtxĩ fxi'zeni wejx jxthaakwe peeja' i'kwe'sxtxi pu'çxna ũswa'j.

25 Txãa pa'ga naa kiwete nee uumey i'kwe'sxtxi pu'çxna ũswa'j ji'phíçxáath, Dxus yakh

çxhãçxha fxi'zekahn.

²⁶ Aça' i'kwe'sxa' na'wẽ adxa's nee ùs jx-thãasu'i'kwe aça' Dxus pu'çxte' pa'ja'nja, Kristo Jesusa's weçxawa'ja's ji'phukahh.

²⁷ Kristo kaapiya'jniçxá's kxtey yuuna mfxi'zewe. Aça' багаçxteçxáawa adx thegya' pa'jma'th meeçxa' pa'jmeema'th nawa Dxusçxá's çxhãçxha yajkxna teeçxsa na'wẽçxah jxukaysa Dxus yuwe's pta'sxna pa'pçxuna ùsta' jñiçxá's jiyu wëeth.

²⁸ Sa' açesawe'sxtxi ma'wẽ yuhwa ùukhmée mfxi'zewe. Txãawe'sxa' jxukate vxituwa'jsaçxah txã'wẽ açetxna, naapkaçxha' i'kwe'sx ùukhmée fxi'zesa' Dxus nwe'wenisaçxah txã'wẽ ùukhmeene'kwe.

²⁹ Txãa pa'ga Kristo's jxpa'gasa yã'ja' Dxus yakh wët fxi'zewa'ja'sçxáa weçxana jxpa'gamée, Kristo's selpiipa'ga naa kiwete thëyte nxuste fxi'zewa'ja'swa weçxana jxpa'gawa'ja'.

³⁰ Adxwa ma'wëtka açeni fxi'ze nyafxí', sa' açxwa txã'wëyçxáa açeni ùsthu txã'sa' jii i'kwe, aça' i'kwe'sxwa txã'wëy adx yakh ja'daçxah yahçena ùsi'kwe.

2

Kristo' àhmeekwesa na'wẽ yuuçxawa thaakwe walasa yuuna pa'jni

¹ I'kwe'sxtxi na'wëth yu'kxpeje': Kristo peeygãanisa Dxus Espiritu's ùuste ji'phdxihçxa', txajx kvxiisxa'jni kçxhãaçxha'jni mfxi'zewe,

² teeçxsa na'wěçxah puutx ya'peeygãhna, teeçxsa na'wěçxaçxáa yajkxna. Aça' txã'wě fxi'zeçta' jĩni's jiyuçxa', adxa' wala weçxa'nja.

³ Iiwejçx yajkxna peekx wět fxi'zewa'jçxá's yaakxwa'jme', wejxwa iijewjçx yajkxmée vxitesatx jxthaakwe tuhthesa' sũhna txãawe'sxtxi ewçxáa yũuna mfxi'zewe.

⁴ Txã'wě peekx wět fxi'zewa'jçxá's yajkxmée, wejxwa vxitesatx pu'çxna mfxi'zewe ew fxi'zewa'ja's txãawe'sxwa jiyukahn.

⁵ Kristo' na'wěk yũuya' yajkx txã'sna i'kwe'sx mji'phuwe:

⁶ Kristo' Dxusiçxáak yu', nawa Dxus txakwe seena' wala jxtuhthesath sũhwa'j yu'sa' ji'phumée,

⁷ txã'wě yaakxwa'ja's jxuka nvxihtçxa kwe'sx ãhmeekwesa na'wě yuuçxak selpiiya' yajkx.

⁸ Txãasak ãhmeekwesa na'wě yuuna pa'jçxa nxus nxus kluuste uuwa'ja'swa ji'phu, Dxusna nwěese'jçxa.

⁹ Txã'wě yũupa'gak Dxusa' cielun pe'jna u'jçxa maatewa jxthaakwe tuhthesa vxitçxa ki'p jxkaahwa'jsa.

¹⁰ Aça' cielute ũssa vxite' naa kiwete ũssa vxite' mtee mteewe'sxwa jxuka Jesus tasxteçxaçxáa peejxũkweçxa

¹¹ na'jĩtxna: Jesukristo yuuçxáa maatewa jxthaakwe jxkaahwa'jsa' jĩna Dxusa's weçxaatxna.

Dxusa's jiisa' naa kiwete eena' kweethna fxi'zewa'ja'

¹² Adx yakhthě'jwe'sx yaakxnisatx na'wěth yu'kxpeje': i'kwe'sx yakh adx kxtee ũsçxa

kaapiya'jni's wa'lmée i'kwe jxuka kxtey nwēese'je'. Txãasa ãçxha' jweeifiçxáa çxhãçxha Dxusa's yajkxna meswe, jxpubamée fxi'zewa'ja's pa'pçxuna, makwe adx yu' jxu'the ũstewa.

¹³ Txãa pa'gatey txã'wē ew yūuna fxi'zewa'ja's Dxusku kaaūusuthe'je', txajx jxthãasni's kxtey yuuna fxi'zekahn.

¹⁴ Kih̄tewa jxuka ewçxáa myūuwe nuywe'wena puiimée.

¹⁵ Txã'wē ewçxáa yūute', kim yuhwa i'kwe'stxxi yuuwesa ewmeesata' jīya' ãjãmeetxna, wejxwa Dxus luuçx yuh yu'ta' yuuwemeesa jīnaçxáa we'wetxna, makwe naa kiwete nasa ewmeesa ksxavxyte ũstewa. Aça' i'kwe'sxa' eena' kweethsa na'wē mfxi'zewe txãawe'sx ksxavxyte,

¹⁶ Dxus yuwe itxī kaafxī'ze'jwa'ja's mtee mteewa pta'sxna. Aça' naa kiwete Kristo kīhte', adxa' kxulmeetka pa'pçxuna mjīi sūhna wēt wēt yaaki'nja i'kwe'sx txã'wē ew yūuna fxi'zepa'ga.

¹⁷ Txãasath ũukhmée mjī', makwe adx itxī fxi'zeni's ivxiituwa'j ma'k yuu i'kwe'sx pa'gate Dxusna selpiipa'ga, nawa txã'sa' ũukhmée weçxana kxtey yuuya' ũsthu. Txã'wē adx weçxani'sthi i'kwe'sx jxukaysatx pta'sxi',

¹⁸ adx na'wēy ũukhmée weçxana ũskahn.

Timoteo vxite' Epafxrodito yakh kaahni

¹⁹ I'kwe'sx ma'wē fxi'zena ũstewa jiyuçxa weçxana ũsya', Dxus pu'çxte' Timoteo's dud kaja'nja i'kwe'stxxi thegya' sūju'th.

²⁰ Txã'wēme', adx na'wēy i'kwe'sx pa'gate pa'pçxusa vxite yu' ji'phmeeth.

21 Vxite yu' ũsçxawa, peekx wēt fxi'zewa'jçxá'stxi yaaki', Kristo Jesus jxthãasni yu'sa' yajkxmée.

22 Nawa Timoteo' txã'wē yu'çme'. I'kwe'sxa' jiiyã'ji'kwe ma'wēga wala selpii Dxus yuwe's adx yakh pta'sx pu'çxna, peekx luuçx ma'wē neya's pu'çxhikx txã'wēk yūu.

23 Txãa pa'ga adxa's kīh yūuya'watewa jiyuna'wa, Timoteo's dud kaja'nja i'kwe'sxtxi pta'sxya'.

24 Meeçxa' adx yuu i'kwe'sxtxi thegya' yuh-waça', sūhçxa Dxusçxá'sthu neewe'we'.

25 Yakhthē'j Epafxrodito's i'kwe'sxa' kaahne'kwe adx peejinitx ktū'se'jçxa aça' ayte ũsa', adxa's pu'çxna pxthaa yuuna. Aça' txã'swa kaja'nja sūjū'th.

26 Txã'wē txajx ãçã'ni's i'kwe'sxwa jiyutx jīni's wēsē'jçxa', txã' i'kwe'sx yakh wala puutx uy wēje'k, txãasak wala kuh yaaki'.

27 Isa ãçã'na weteçxa', uuwa'theçxáa yã'kh ũsu'. Nawa Dxusa' txã'sa' pu'çxku. Sa' txã'sçxáana pu'çxmée, adxnawa txã'wēyku pu'çx, na'wē nxusna ũsthu txãate jxthaakwe nxussa pa'khamén.

28 Txãa pa'ga txã'sa' dud kaja'nja sūju'th, txãa yakh i'kwe'sx puutx uyçxa' weçxana ũskahn. Aça' i'kwe'sx weçxana ũste', adxwa nxusmée weçxana ũsu'nja.

29 Txãa yakhthē'ja's wala weçxana mpa'gawe, sa' txãa na'wēysatxi's багаçxtewa mpeeygāhwe.

30 Txãa yakhthē'ja' Kristo's selpiipa'gaçxáa tx-ajx itxī fxi'zeni's ivxiitu'dxijk, txã'wē i'kwe'sx

yu' adxa's pu'çxya' âjâmeetewa, txãa yu' adxa's selpiina ùsçxak txã'wẽ u'dxih.

3

Dxus dxi'pte ew fxi'zewa'ja's Dxus úçxáak úsu'

¹ Äçxha', yakthẽ'jwe'sx, Dxus yakh weçxana mfxi'zewe. Nyafxii neewe'wena fxi'th txã'wẽyçxáa äçxwa neewe'weçthu, i'kwe'sxtxi' selpiwa'jsa' naa pa'ga.

² Nasa ewmeesa kaypuba'jna fxi'zesatxi's mpa'yajkxwe, peekx kakwetewe'sxa's spẽ'thsatx.

³ Ew jiyute yu', Dxusa's úusuh jxuka yajkçxa neewe'wesa kwe'sx txã'wẽ Dxus luuçx cirkuncidäynisatha'w. Txãa pa'gatey Kristo Jesus jii yã'tha'w sühçxa weçxanatha'w fxi'ze' naa pa'ga. Sa' kwe'sx äjâni kakwekhẽwe'sxa's weeçx yajkxna fxi'ze'çmeetha'w.

⁴ Txãatx yaakx wẽewaç yu', adxwa weeçx yajkxya' äja'nja, kimtewa jxthaakwesath naa pa'ga.

⁵ Adx äaga yuuni oçxo en yuuçpkaçxha', cirkuncidäynisath. Sa' Israel nasath, Benjamin ji'th. Sa' mama tutxhu kasejii hebreo nwe'sxthu yu', tatawe'sxa' judiutx yu' txãa pa'ga. Khĩçxawa adxa' fxariseoth yu', judiuwe'sx ley ma'wẽ jxkaathewa jxuka kxteythu yuuna fxi'zesa yu'.

⁶ Txãasath ley kaapiya'jni's nwẽese'jna Kristo nasatxi's ikhya' pakwé', Dxusna selpiiçthu sühçxa. Aça' adxa's kim yuhwa ley jxkaahni's kxtey yuume' jiya' äjâmeetxna.

7 Nyafxíi yu' txã'wěsa' adx yakha' seena' yuh wala ewsa yu'tx. Nawa ãçxha' Kristo's jxpa'ganiijũ' txã'wěsa' kĩhte yuhwa seelpimeetx yuuna pa'j.

8 ãçxha' Kristo Jesusna ew jiyuwa'j wejx jxthaakwe wala ewsa', naa pa'ga txã'wěsatxi' jxuka nvxihtçxath fxi'ze'. Kristoçxá's selpi'ina fxi'ze wěeçxa kījkihnawa jxuka nvxihtthu seelpimeesatxi's, txãa yakh yuuçxáa fxi'zeya'.

9 Txã'wě ley jxkaahni's kxtey nwěese'jçxa ew fxi'zewa'ja's ji'phumeeth. Txã'wě ew fxi'zewa'ja's Dxusku ũs, Kristo's ũusuh jxuka yaakxpa'ga.

10 Txãasa Kristo yuuçxá's ew jiyuçxa txãa ma'wěne' uuçxa ki' itxĩ yuu txã'wěy yuu wěeth. Sa' txãa na'wěy pxthaa yuuçxa uuwa'jnawa ji'phuçxa,

11 uuniijũwa ki' itxĩ yu'nja sũjũ'th.

Dxus dxi'pte ewsa yuuna pa'jwa'ja's pakwena nes yuuni

12 Txã'wě Kristo's jxuka jiiyã'th ji'çmeeth, sa' Dxus dxi'pte ewsayã'th sũju'çwameeth. Nawa txã'wě yũuwa'ja's ãjã'nja sũhnaçxáath pa'pçxuna nes yu'. Kristo Jesusa' adxa's txãa jĩik vxitna pa'j aç'a ãçxha' adxa' Kristo jĩith sũhnaçxáath pa'pçxuna fxi'ze'.

13 Yakhthě'jwe'sxtxi na'jĩ'th na': Kristo's jiyuwa'j peejiçxáath sa' Dxus dxi'pte ew fxi'zena pa'jwa'j peejiçxá' sũjũ'th. Aç'a' txãatx kxtey yuu wěeçxa na'wěth yũ': nyafxíi fxi'zeni's peçxkanaçxa, na'wě jiyuna jxã'jwa'j ũsta' txãaçxáatxthu wejx pa'pçxu'.

14 Txãatx jxuka ew jiyuna pa'jçxa', Kristo Jesus tasxte ũsya' Dxus pa'yak kxtee ũsu'nja sũjũ'th.

15 Dxusa's ewyã'j jiisa' jxukaysa na'wẽ pta'sxi'th txã'wẽçxaçxáa yaakxwa'j ji'ptha'w. Meeçxa' jxpubawá'kwe nawa Dxusa' ew áate kaajiyu'juna.

16 Na'wẽ Dxus yakh ew fxi'zewa'ja's jiiyã'tha'w txã'sa' peçxkanamée kxtey yuuna fxi'zewa'j ji'ptha'w.

17 Yakhthẽ'jwe'sx, adx na'wẽy mfxi'zewe. I'kwe'sxtxiwa ma'wẽtka'w kaapiya'j txã'wẽy vxite yakhthẽ'jwa ũsta' ew fxi'zesa, aç'a' txãawe'sx na'wẽy mfxi'zewe.

18 Wala kujus iipta'sxyã'th, nawa ki' peena pta'sxiçthu ũ'nena: maaíi yu' Kristo kluuste uuni's açesa ũsta'.

19 Txãawe'sxa' ũ'wa'ja's yuuçxáa dxus na'wẽ yajxna fxi'zesata', sa' thaamewa'ja's yaakipkaçxte thaampa'su yu' iiwejçx yaakxsaçxáata'. Nawa nmehte' jxuka ivxiituni yuutxna.

20 Naapkaçxha' kwe'sx yu' cielute ũswa'jsatha'w. Txãasa ũythasna ũstha'w, kwe'sxtxi nwe'wesa Jesukristo cielujũ kũjana sũhna.

21 Txã' kwe'sx kakwe seelpimeesa's yu'pthehçxa, txajx kakwe na'wẽy ewsa vxituna, Kristo' ma'wẽ yũuwa'ja'swa jxuka ãjãwa'jsa' naa pa'ga.

4

Pejka Dxus yakh yuuçxáa weçxana mfxi'zewe

¹ Adx yakhtě'jwe'sxtxi yajkxte', wala weçxa yuja', Dxus yuwe's jiyuçxa jxpubamée ũste'. Aça' i'kwe'sxtxi wala peeygâhna neewe'we'th: Dxusna peçxkanamée çxhâçxha yajkxna meswe.

² Ewodia vxite' Síntike txâawe'sxa' e'zii Dxusa's ũuste jxpa'gaçxa fxi'zeççxa', puimée fxi'zekahnthu neewe'we'.

³ Sa' txâa e'z u'ytxi's yu'kxpejkahn idxna neewe'weçthu, adx yakh mjii pu'çxna u'jusag naa pa'ga. Txâa e'z u'ywe'sxa' nyafxíia' adx yakh Dxus yuwe's wala pta'sx pu'çxtxi, Klemente vxite' adx yakh mjii pu'çxsawe'sx yâ'jçxa. Aça' txâawe'sx yase' fxi'jni yâ'j ũsta' bagaçxte yuhwa uuwa'jmée itxĩ fxi'zewa'j librute.

⁴ Dxusna çxhâçxha yajkxna fxi'zeççxa', weçx weçxa yajkxna mfxi'zewe. I'kwe'sxtxi peena neewe'weçthu, weçx weçxa fxi'zekahn.

⁵ Kxah maawa i'kwe'sx ew yūuna fxi'zeni's jiyukahn, i'kwe'sxa' Dxus yakh ew fxi'zewa'j yuuçxá's pa'pçxuna meswe, Kristo kīiwa'ja' ājaçyā'ja' naa pa'ga.

⁶ Weh yuhwa nxusmée, wejxwa Dxusçxáana neewe'wena meswe. Kīh peejçxawa, txā'sna jxuka mpējxwe weçxana.

⁷ Txā'wě yūute', Dxusa' ũsuna ũuste wēt yaakxwa'j seena' walasa's. Aça' ũuste wēt yaakxwa'ja's jxpa'gate', wala yuh weçxa yuja'. Txā'wě Dxus ũsni ũuste wēt yaakxni's ew āate pta'sxya' ya'āja'çme', txā'wě seena' walasa pa'ga. Txāa wēt yaakxwa'ja's jxpa'gasayā'ja', Kristo Jesus yakh wētçxáa yajkxna fxi'zene'kwe.

Dxus dxi'pte ew fxi'zewa'jçxá's yajkxna fxi'zeni

8 Yakhthē'jwe'sx na'wē yajkxna fxi'zekahn neewe'weçxa nmeh nvxiituçthu: kījkihwa i'kwe'sx ũuste suwwa'jsamée ew Dzus dxi'pte kaafxi'ze'jwa'jsa yuuçxá's mpa'pçxuwe, ĩsxiimée isasaçxá's we'wena, ewçxáa yūuna kīhtewa jxpubamée.

9 Adx kaapiya'jnith ũusuh jxuka jxpa'gaçxa ũsçxa' txāatxi' kxtey yuuna mfxi'zewe. Adx ma'wē jxkaahçxa' ki' ma'wēne'tka yūuna fxi'ze txāatxi' txā'wēy myūuwe. Aça' i'kwe'sx ũuste wēt yaakxwa'ja's ũssa Dxusa' i'kwe'sx yakh nes yuuna.

Fxiliposwe'sx Pablo's ofxreda peesni

10 I'kwe'sxa' adxa's ki' yaakxpa'ga adxa' wala weçxa'th. Nyafxi' peçxkanane'kwe sūhçxa txā'jī'çmeeth. Txā'wē peçxkanameeçxawa pu'çxya'çxáa ne'kwe ājāmée ũsu' sūjū'th.

11 Kīhwa ji'phmée peejiinath ũsu' jīçxa txā'jī'çmeeth. Txāa pa'gatey adxa' piyath kījkuē ji'phuni yakhçxáawa weçxana fxi'zeya'.

12 Kīh yuhwa ji'phmée fxi'zeni's jiith, sa' wala ji'ph fxi'zeni'swa jiith. Txik ũswa'j ma'k yuu meeçxa' wēena fxi'zewa'j ma'k yuu nawa ma'wē fxi'zewa'j en pa'thewa maa sūhmée ũsya'th piya. Kīhwa pejiima'th pejiimeema'th nawa txā'wē fxi'zewa'ja's jxuka piyath.

13 Txāa pa'gatey naa kiwete makwe wala thēysa nxussa pa'thewa, Kristo yuuçxáak pu'çxna nes yu', çxhāçxha kaafxi'ze'jna.

14 Makwe txā'wētewa, i'kwe'sxa' ew i'kwe yūu, adx peejiina fxi'zeni's pu'çxna.

15 Adx nyafxçxah Macedoniasu Dxus yuwe's pta'sxya' u'jweçte', adxa's kim yuhwa pu'çxmeetewa, i'kwe'sx yuuçxáa i'kwe adx peejini's pu'çxna kaah, adxa' i'kwe'sxtxi kaapiya'th Dxus yakh fxi'zewa'ja's naa pa'ga.

16 Sa' adx Tesalonikate nee üsiyna i'kwe'sxa' ki' vxyuu kaaji'kwe adx peejini's pu'çxna.

17 Txã'wẽ adxna kîhçxáawa peeste', txã'sna jxpa'gawa'jçxá's yajkxna fxi'ze'çmeeth, wejxwa txã'wẽ yũupa'ga Dxusa' jweeñiçxáa wala peesuna i'kwe'sxtxi's sũhnaçxáath yaaki'.

18 Epafxrodito yakh vxyuu kaakhwe txãaçxáa adx peejinite jxthaakweyã'ja'. Txãa peesya' kaahnisa' Dxus dxi'pte iiméh wala ewsa yu'k, Dxusa's weçxana peesnisa ne' yu' naa pa'ga.

19 Aça' adx Dxusa' i'kwe'sx kîh peejiina üstewa, jxuka üsuna pejiikahmén, txãa pa'gatey Kristo Jesusa's jxpa'ganijũ' Dxus jii yu'sa' kîh yuhwa peejxmée jxukak ya'jypa'ga'.

20 Txãa pa'ga kwe'sx Tata cielute üssa's weçxana nes yuuwa'ja' bagaçxtewa.

Dxus luuçx jxukaysatx yuwe weçxaa kaahni

21 Dxus luuçx jxukaysatx yuwe mweeçxawe, Kristo Jesus yakh fxi'zesawe'sxtxi. Txã'wẽy adx yakh üssa yakhthẽ'jwe'sxwa yuwe weçxaa kaja'tx.

22 Sa' Dxus luuçx Cesar tasxte selpiina üssawa jxukaysa yuwe weçxaa kaja'tx.

23 Kwe'sxtxi jxpe'jsa Jesukristo' i'kwe'sxtxi' pu'çxhina ewçxáa kaafx'i'ze'jna.

Dyus Yuwe U'sesa
Páez: Dyus Yuwe U'sesa New Testament

copyright © 2011 Wycliffe Bible Translators, Inc.

Language: (Páez)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

06da09f4-8d0f-5001-ae8c-0e6aa0131ffd